

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**OPĆINA VAREŠ**  
**OPĆINSKI NAČELNIK**



**Broj: 02-1137/18**  
**Vareš, 04.09.2018. godine**

Na osnovu člana 8. Zakona o ministarskim, vladinim i drugim imenovanjima FBiH ("Službene novine Federacije BiH", broj 12/03, 34/03 i 65/13) i člana 8. Odluke o utvrđivanju standarda i kriterija za konačna imenovanja na pozicije u regulirane organe – Prečišćeni tekst, broj: 01-50/13 od 18.02.2013. godine i broj: 01-178/13 od 20.06.2013. godine, u postupku imenovanja na pozicije u reguliranim tijelima iz nadležnosti općinskog načelnika, Općinski načelnik Općine Vareš o b j a v l j u j e

**J A V N I O G L A S**  
**za izbor i imenovanja predsjednika i članova Upravnih odbora u Javnim ustanovama čiji je osnivač Općina Vareš**

**I. Predmet Javnog oglasa**

Raspisuje se Javni oglas za izbor i imenovanja predsjednika i članova Upravnih odbora Javnih ustanova:

**a) Upravni odbor Javne ustanove „Centar za socijalni rad“ Vareš**

Predsjednik i dva člana i to:

- iz reda osnivača – dva člana,
- iz reda stručnih radnika Ustanove – jedan član.

**b) Upravni odbor Javne predškolske ustanove „Dječije obdanište“ Vareš**

Predsjednik i dva člana i to:

- iz reda osnivača – jedan član,
- iz reda korisnika usluga – jedan član,
- iz reda stručnih radnika Ustanove – jedan član.

**c) Upravni odbor Javne ustanove Opća biblioteka Vareš**

Predsjednik i dva člana i to:

- iz reda osnivača – dva člana,
- iz reda stručnih radnika Ustanove – jedan član

**adresa:** Zvijezda 34, 71330 Vareš  
**identifikacijski broj:** 4218285300002  
**depozitni račun Unicredit banka:**  
3380002210017420

**tel.:** 00387 32 848 100;  
**fax:** 00387 32 848 150;  
**web:** www.vares.info  
**e-mail:** vares@bih.net.ba



## **II. Opis pozicija članova Upravnog odbora je:**

Upravni odbor nadležan je za:

- donosi pravila ustanove,
- imenuje i razrješava direktora,
- utvrđuje planove rada i razvoja,
- utvrđuje godišnji program rada,
- donosi finansijski plan i usvaja godišnji obračun,
- donosi opći akt o unutrašnjoj organizaciji i sistematizaciji poslova i druge opće akte, u skladu sa zakonom i pravilima ustanove,
- odlučuje o svim pitanjima obavljanja djelatnosti radi kojih je ustanova osnovana, ako zakonom nije određeno da o određenim pitanjima odlučuje drugi organ ustanove,
- usmjerava, kontroliše i ocjenjuje rad direktora,
- odlučuje o korištenju sredstava preko iznosa utvrđenog pravilima ustanove,
- odgovara osnivaču za rezultate rada ustanove,
- odlučuje o prigovoru radnika na rješenje kojim je drugi organ određen pravilima ustanove odlučio o pravu, obavezi i odgovornosti radnika iz radnog odnosa,
- podnosi osnivaču najmanje jedanput godišnje izvještaj o poslovanju ustanove,
- vrše druge poslove u skladu sa zakonom i pravilima ustanove.

## **III. Mandat**

Mandat predsjednika i članova Upravnog odbora je 4 (četiri) godine uz mogućnost ponovnog imenovanja u skladu sa zakonom.

Predsjednik i članovi Upravnog odbora Javne ustanove imaju pravo na naknadu u skladu sa Odlukom Općinskog vijeća i ista se isplaćuje iz sredstava Javne ustanove.

## **IV. Uslovi za pozicije**

Kandidat za imenovanje na pozicije u reguliranim organima Općine Vareš mora ispunjavati sljedeće opće i posebne uslove.

### **Opći uslovi:**

- da su državljani Bosne i Hercegovine,
- da su stariji od 18 godina i da nisu stariji od 65 godina na dan imenovanja,
- da nije otpušten iz državne službe kao rezultat disciplinske mjere bilo na kojem nivou BiH, u periodu od tri godine prije objavljivanja upražnjene pozicije,
- da nije pod optužnicom Međunarodnog suda za ratne zločine u bivšoj Jugoslaviji (član IX.1.Ustava BiH),
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH,
- da nema privatni/finansijski interes u Javnoj ustanovi u kojoj se kandiduje,
- da nije osuđivan za krivična djela i za privredni prestup nespojive s dužnošću u instituciji pravnom subjektu u kojoj se kandiduje pet godina od dana pravosnažnosti presude isključujući vrijeme zatvorske kazne,
- da nije lice kojem je pravosnažnom presudom suda zabranjeno obavljanje aktivnosti u nadležnoj instituciji – pravnom subjektu u kojoj se kandiduje.

### **Posebni uslovi:**

- najmanje srednja stručna sprema,
- pet godina radnog iskustva ako ima srednju stručnu sprema, odnosno najmanje tri godine ako ima višu ili visoku stručnu sprema,
- da nije predsjednik ili član Nadzornog ili Upravnog odbora u drugom pravnom licu sa većinskim državnim kapitalom,
- komunikativne i kreativne sposobnosti za savjesno, odgovorno i odlučno vođenje upražnjene pozicije,
- sposobnost nepristranog donošenja odluke,
- prilagodljivost timskom radu,
- sposobnost tumačenja ekonomskih, tehnoloških i pravnih analiza i propisa,
- rezultati rada ostvareni tijekom prethodnog radnog angažovanja,
- preporuke ranijih neposrednih rukovodilaca,
- poželjno poznavanje stranih jezika prema prirodi poslova koje treba obavljati.

### **V. Potrebni dokumenti**

Uz prijavu na oglas kandidati su dužni dostaviti sljedeće dokumente:

1. kraću biografiju sa ličnim podacima (ime i prezime, ime oca, JMBG, broj telefona i adresu),
2. izvod iz matične knjige rođenih (orginal ili ovjerena kopija),
3. uvjerenje o državljanstvu (orginal ili ovjerena kopija),
4. ovjerenu kopiju diplome o završenom stepenu i vrsti stručne spreme,
5. uvjerenje o radnom iskustvu,
6. uvjerenje o nekažnjavanju i uvjerenje da se protiv kandidata ne vodi krivični postupak,
7. ovjerenu izjavu da nije predsjednik ili član Nadzornog ili Upravnog odbora u drugom pravnom licu sa većinskim državnim kapitalom,
8. ovjerenu izjavu kandidata da nije otpušten iz državne službe kao rezultat disciplinske mjere u periodu od 3 /tri/ godine prije objave oglasa,
9. ovjerenu izjavu kandidata da se na njega ne odnosi član IX. stav 1. Ustava BiH,
10. ovjerenu izjavu da nema privatni finansijski interes u zdravstvenoj ustanovi u čiji se Upravni odbor kandiduje,
11. ovjerenu izjavu kandidata da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH,

### **VI. Podnošenje prijava**

Dokaz da kandidat nije osuđivan za krivično djelo i za privredni prestup nespojive sa dužnošću u instituciji – pravnom subjektu u kojem se kandiduje, pet (5) godina od dana pravosnažnosti presude isključujući vrijeme zatvorske kazne službeno će se zatražiti za kandidate koji budu predloženi za konačno imenovanje.

Oglas za podnošenje prijava ostaje otvoren 15 dana od dana objavljivanja oglasa i računa se od datuma posljednje objave.

Podnosioci prijave u prijavi na oglas obavezno trebaju navesti Upravni odbor Javne ustanove u koji se prijavljuju.

Podnosioci prijava s kojima se ne stupa u kontakt u roku od 8 (osam) dana od isteka roka za podnošenje prijave neće biti razmatrani u daljem procesu imenovanja.

Svi kandidati koji budu stavljeni na listu sa užim izborom biće pozvani na intervju pred Komisijom za izbor u regulirane organe. Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi mogli dovesti do sukoba interesa u slučaju da dođe do njegovog imenovanja.

Obrasci se mogu popuniti neposredno prije intervjuja.

Nakon intervjuja Komisija će putem pisane preporuke predložiti rang - listu sa najboljim kandidatima i dostaviti je Općinskom načelniku na dalje razmatranje i konačno imenovanje.

Bilo koji kandidat ili bilo koje drugo lice - član javnosti može podnijeti prigovor na konačno imenovanje ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima Federacije BiH.

Prigovor na konačna imenovanja podnosi se ovlaštenom javnom službeniku – Općinskom načelniku, a kopija se dostavlja Ombudsmenu za ljudska prava BiH.

Oglas će biti objavljen u Službenim novinama Federacije BiH, u jednom sredstvu javnog informisanja koji izlazi na području Bosne i Hercegovine, na web stranici Općine Vareš, na oglasnoj tabli Općine Vareš i na oglasnim tablama Javnih ustanova.

Nepotpune i neblagovremene prijave neće se uzimati u razmatranje.

Prijave za Javni oglas dostaviti u zatvorenoj koverti sa naznakom:

**„JAVNI OGLAS  
ZA IZBOR I IMENOVANJA PREDSEDNIKA I ČLANOVA UPRAVNIH  
ODBORA U JAVNIM USTANOVAMA ČIJI JE OSNIVAČ OPĆINA VAREŠ  
- NE OTVARAJ“**

na slijedeću adresu:

**KOMISIJA ZA IZBOR U REGULIRANE ORGANE  
OPĆINSKOG VIJEĆA VAREŠ  
Ulica: Zvijezda br. 34  
71330 VAREŠ**

**OPĆINSKI NAČELNIK**

**Zdravko Marošević**